

Ժողովուրդ

65
(2731)

5 մայիսի ուրբաթ 2023
տպագրության ժԲ տարի

✉ ք. Երևան, Արմավյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

ՓԱՇԻՆՅԱՆԻ ԹԻՄԱՆԿԻՑՆԵՐԸ ԽԱԲԵԼ ԵՆ. ՄԱՍ 18



«Ժողովուրդ» օրաթերթը շարունակում է ներկայացնել, թե ԶՊ խմբակցության պատգամավոր Հասմիկ Հակոբյանը պատգամավոր դառնալուց հետո իր մտերիմներից, բարեկամներից ում է հասցրել աշխատանքի տեղավորել:
Արդեն գրել ենք, որ Հասմիկ Հակոբյանը պատգամավոր Ալեն Սիմոնյանի օգնականից պատգամավոր դառնալուց հետո հասցրել է հարազատ հորը՝ Արմեն Հակոբյանին տեղավորել ԱԺ-ում աշխատանքի: Արմեն Հակոբյանը ԱԺ վարչատնտեսական վարչության ավտոտրանսպորտային բաժնում է աշխատում:
Մեզ հետ զրույցում հենց Հակոբյանը չէր հերքել այս տեղեկությունը:
Պատգամավորը, սակայն, այսքանով չի սահմանափակվել:
Հասմիկ Հակոբյանի քրոջ ամուսինը՝ Վարոն եւս աշխատում է ԱԺ-ում: Նա ԱԺ նախագահ Ալեն Սիմոնյանի վարորդն է:
Ստացվում է՝ ՀՀԿ-ի օրոք «ԽԾԲ»-ն մերժող այս իշխանությունը, ինչպես մյուս դեպքերում, այս հարցում եւս փորձում է հետ չմալ նրանցից եւ տարբեր պաշտոնների, ու աշխատանքների են նշանակում իրենց մերժավորներին:

Խորհրդարանի որոշմամբ՝ մայիսի 2-ին Անդրանիկ Քոչարյանի ղեկավարած՝ 44-օրյա պատերազմի հանգամանքներն ուսումնասիրող Ազգային ժողովի քննիչ հանձնաժողովի գործունեության ժամկետը 6 ամսով երկարաձգվեց: Ըստ «ԱԺ կանոնակարգ» օրենքի՝ Քննիչ հանձնաժողովի լիազորությունների ժամկետը վեց ամիս է, որը կարող է երկու անգամ հանձնաժողովի առաջարկությամբ՝ Ազգային ժողովի որոշմամբ երկարաձգվել մինչև վեցական ամսով: Հանձնաժողովի գործունեության ժամկետը հոկտեմբերին արդեն մեկ անգամ երկարացվել էր: Այսինքն՝ սա վերջին անգամն է, որ հանձնաժողովի գործունեությունը երկարացվում է, իսկ արդեն 6 ամսից՝ հոկտեմբերին, քննիչ հանձնաժողովի վերջնական զեկույցը՝ պատերազմի հանգամանքների վերաբերյալ, պետք է արդեն պատրաստ լինի: Քննիչ հանձնաժողովի զեկույցը ներկայացվում է ԱԺ նախագահին, որից հետո՝ մեկ ամսվա ընթացքում, այն քննարկվում է Ազգային ժողովի հերթական նիստում: 44-օրյա պատերազմի ուսումնասիրման քննիչ հանձնաժողովը ստեղծվել է 2022 թ.-ի փետրվարի 10-ին: Քննությունն իրականացնում են միայն իշխանական պատգամավորները, իսկ ընդդիմությունը հենց սկզբից բոյկոտել է այն:



«Ժողովուրդ» օրաթերթի տեղեկություններով՝ քաղաքացի Տարեմ Վիրաբյանը պատրաստվում է դիմում ներկայացնել Ազգային ժողով, որպեսզի ստեղծվի Էթիկայի հանձնաժողով, եւ քննվի Ազգային ժողովի պատգամավոր Հովիկ Աղազարյանի պահվածքը: Այս մասին օրաթերթի հետ զրույցում հայտնել է հենց ինքը՝ Արցախի բնակիչ, լրագրող Տարեմ Վիրաբյանը: Հիշեցնենք, որ ապրիլի 15-ին Անահիտ Վիրաբյան անուն-ազգանունով մի կին օգտատեր հայտարարեց, որ Ազգային ժողովի «Քաղաքացիական պայմանագիր» խմբակցության պատգամավոր Հովիկ Աղազարյանն իրեն սեռական բնույթի հայտարարեց, որ «Ֆեյսբուք» սոցիալական ցանցում: Վիրաբյանն անպարկեշտ նամակը հրապարակել էր նաեւ սոցիալական ցանցի իր էջում: Եվ չնայած պատգամավորը հայտարարեց, թե իր էջը, կարծես թե, կոտրել են, սակայն փաստերը հրապարակված էին, իսկ Աղազարյանը հայտնաբերվելու համար այդպես էլ պատասխանատվության չի ենթարկվել մինչ օրս: Եվ, ահա, Տարեմ Վիրաբյանը գործուն քայլերի է դիմում:



«Ժողովուրդ» օրաթերթի բացառիկ տեղեկությունների համաձայն՝ Երևան քաղաքի Օրբելի փողոցում գտնվող շենքի բնակարաններից մեկում հայտնաբերված շուրջ 12,5 կգ ընդհանուր քաշով ոսկին հանձնել են Կենտրոնական բանկին, ու քննությունը շարունակվում է: Ինչպես հայտնի է, անցած տարի Երևան քաղաքի Օրբելի փողոցում գտնվող շենքի բնակարաններից մեկում հայտնաբերվել էր շուրջ 12,5 կգ ընդհանուր քաշով ոսկի: ՀՀ քննչական կոմիտեն հայտնել էր, որ քննչական, վարութային գործողությունների արդյունքում Երևան քաղաքի երկու բնակչուհիներ վարույթն իրականացնող մարմին են ներկայացրել տարբեր վայրերում առանձին-առանձին թաքցված՝ մի դեպքում՝ 6 կիլոգրամ 860 գրամ քաշով, մյուս դեպքում՝ 5 կիլոգրամ 652 գրամ քաշով ամբողջական եւ մասնատված ենթադրաբար ոսկյա ձուլակտորներ: «Ժողովուրդ» օրաթերթի տեղեկությունների համաձայն՝ ոսկին պատկանել է ՀՀ դատախազությունում աշխատած նախկին պաշտոնյաներից մեկին: Նախկին դատախազը մահվանից առաջ տունը կտակել է դստերը, եւ նրա դուստրը երկար ժամանակ երկրում չի բնակվել: Ավելի ուշ դիմել է մաքրուհիների՝ խնդրելով՝ բնակարանը մաքրեն, որից հետո էլ բացահայտվել է այս դեպքը: Իսկ թե որտեղից դատախազին այդքան ոսկի, արդյոք մահացած դատախազին է եղել, թե այլ անձի, որը հայտնվել է դատախազի տանը, պահել ոսկին, եւ այն գտել են մաքրուհիները, այժմ պարզում են իրավապահները:



ՎԱՅՆ ԵԿԵԼ Է, ՄԵԶ ՏԱՐԵԼ

ՓԱՍՏԱԹՈՒՂԹԸ ՀՆԱՐԱՎՈՐ Է ՉԵՂԱՐԿԵԼ

Վաճինգտոնում երեկ ավարտվեց Հայաստանի և Ադրբեջանի արտոնադրության և Արդյունաբերության Միջոցառման և Ջեյհուն Բայրամովի միջև բանակցությունների եզրափակիչ փուլը՝ ԱՄՆ դեսֆարսուդար էնթոնի Բլիմենի մասնակցությամբ: Թե ինչ են շուրջ երեք օր բանակցել կողմերը, հայտնի չէ, միայն վերջերս ԱԺ ամբիոնից Նիկոլ Փաշինյանը հայտարարեց, որ Վաճինգտոնում բանակցությունների սեղանին կա փաստաթուղթ, եւ վստահեցրեց, որ անակնկալներ այնքան չկան: Վաճինգտոնում բանակցությունների վերաբերյալ «Ժողովուրդ» օրաթերթը գրուցել է Հայաստանի դեմոկրատիկ կուսակցության նախագահ Արամ Սարգսյանի հետ:



«Պարոն Սարգսյան, Նիկոլ Փաշինյանը հայտարարել է, որ Վաճինգտոնում կողմերը փաստաթղթի շուրջ են բանակցում: Ի՞նչ էք կարծում, ի՞նչ փաստաթուղթ է դա, ինչի՞ շուրջ են բանակցում Վաճինգտոնում:

«Առաջին հերթին, նման բանակցությունները չեն կարող համարվել բանակցություններ այն պատճառով, որ կողմերին պատանդավորել են Վաճինգտոնում հանուն Նրա, որ անպայման որեւէ համաձայնության գան: ԱՄՆ-ին հետաքրքիր չէ, թե ինչ պայմաններով, կարելու որ համաձայնության գան: Ի՞նչ կա այդ փաստաթղթում. ամերիկյան կողմը բացահայտ ասել է, որ կա լեռնային փոքրամասնությունների իրավունքների պաշտպանության հարց: Դա նշանակում է, որ Հայաստանի իշխանությունները գրոյացրին արցախյան գոյամարտի ողջ արդյունքները, ազգային ազատագրական պայքարի ամբողջ արդյունքը. սա ամենազլխավոր խնդիրն է, որ դրված է մեր ազգի առջև. արդյոք մենք դա ընդունելու ենք: Եթե Նիկոլ Փաշինյանն է ճանաչում Արցախի Ադրբեջանի մաս, դա դեռ ոչինչ, նրա ստորագրությունը կջեղարկվի, իսկ եթե ազգովի ենք ընդունում, որ Արցախի Հանրապետություն գոյություն չունի, գոյություն ունի միայն Արցախում բնակվող եթևիկ փոքրամասնություն, ուրեմն վայն եկել է, մեզ տարել:

«Ասում եք, որ եթե Փաշինյանը հիմա Նոր փաստաթուղթ ստորագրի, ապա դա հնարավոր է չեղարկել հետագայում. ինչպե՞ս:

«Շատ պարզ. առաջինը՝ գոյություն ունի արարողակարգ. պետք է գնա Սահմանադրական դատարան, դա միջազգային փաստաթուղթ է դառնում, ինչից հետո պետք է գնա ԱԺ, որպեսզի վավերացվի: Նիկոլ Փաշինյանի ստորագրությունը դեռ ոչինչ չի նշանակում: Նա խախտել է 1992թ.-ի Հայաստանի Գերագույն խորհրդի որոշումը, որտեղ գրված է, որ որեւէ պաշտոնյա իրավասու չէ ստորագրել մի փաստաթուղթ, որը ճանաչում է Արցախի Ադրբեջանի մաս: Եթե Փաշինյանը նման փաստաթղթի տակ ստորագրում է, դառնում է քրեական հանցագործ: «Միասին» շարժումն ունի ներքին որոշում, որ օգտագործելու է բոլոր հնարավոր եւ անհնար միջոցները, որպեսզի այդ փաստաթուղթը կյանքի չկոչվի: Աշխարհը պետք է իմանա, որ Փաշինյանի ստորագրությունը գրո է, որեւէ նշանակություն չունի, հայ ազգը չի համակերպվելու դրա հետ:

«Պարոն Սարգսյան, տպավորություն է, որ կողմերն այլևս հրաժարվում են

Նոյեմբերի 9-ի փաստաթղթից եւ Նոր փաստաթուղթ են ցանկանում ստորագրել, որպեսզի հետագա բանակցություններն ըստ այդ փաստաթղթի շարունակեն:

«Այդպես էլ կա, դրա համար էլ մենք ասում ենք, որ Նոյեմբերի 9-ի փաստաթուղթը, իհարկե, մեր սրտով չէ, կապիտուլյացիա էր, բայց այնտեղ գոնե պահպանվում էր Արցախի Հանրապետության շահը եւ իրավունքները՝ որպես Ադրբեջանից անկախ օբյեկտ: Այս պարոնի (Նիկոլ Փաշինյանի) արածը եթե դա է, ուրեմն ինքը փորձում է ամբողջովին չեղյալ համարել բոլոր պայմանավորվածությունները, Միևնույն ժամանակ խախտանքները եւ գրոյից է սկսում ամեն բան՝ ի վնաս Հայաստանի եւ Արցախի հանրության: Փաշինյանը Քաջ Նազարի նման գլուխ գովաց, թե Նոր փաստաթուղթ է ստորագրելու. տեսնենք՝ ինչ է սպասվում իրեն այդ փաստաթղթի ստորագրումից հետո:

ԵՐԻՍՏԻՆԱ ՄՈՒՇԵՂՅԱՆ

ՆԱԽԱՐԱՐԻ ԽՈՍՏՈՒՄԸ ԵՐԿՈՒ ԱՆՔԱՄ Է՝ ՀԵՏԱԶԳՎՈՒՄ Է



2023թ.-ի փետրվարին Հանրային հեռուստաընկերության եթերում էկոնոմիկայի նախարար Վահան Զեյրոբյանը հայտարարեց, որ մոտակա մեկ ամսում Հայաստանում իր գործունեությունը կսկսի ծավալել աշխարհահռչակ բրիտանահուլանդական Shell ընկերությունը:

«Մարտ ամսին ընկերությունը կբացի 3 բենզալցակայան, եւ դրանք կլինեն Նոր, Ժամանակակից բենզալցակայաններ»,- խոստացավ նախարարը:

Նախարարի այս խոստումից անցել է ավելի քան 2 ամիս, սակայն բենզալցակայանները դեռեւս չեն բացվել: Իսկ ապրիլի 21-ին նախարարը ֆեյսբուքյան գրառմամբ տեղեկացրեց, որ կայանները շուտով կսկսեն աշխատել:

«Փաստերի ստուգման հարթակ»-ի հարցին, թե ինչու մարտին խոստացված բենզալցակայանները դեռ չեն բացվել, էկոնոմիկայի նախարարությունից խորհուրդ տվեցին դիմել հենց ընկերությանը, քանի որ «դա մասնավոր ընկերություն է, եւ նրանց գործունեության հետ կապված ռիսկերն ու խնդիրները պետությունը չի կարող կառավարել»:

Ընկերությունից էլ տեղեկացրին, որ այս պահին ավարտական փուլում է թվով երեք բենզալցակայանների շահագործումը, դրանց վրա վերջին նախապատրաստական աշխատանքներն են կատարվում, եւ սպասում են ապրանքի ներմուծմանը:

Ընկերությունից տեղեկացրին նաեւ, որ նախարարի մարտ ամսին բենզալցակայանները բացելու խոստման հիմք էր հանդիսացել իրենց տրամադրած տեղեկատվությունը:

Ի դեպ, սա Shell ընկերության՝ բենզալցակայաններ բացելու խոստման երկրորդ հետաձգումն է: Առաջին անգամ այս խոստումը Զեյրոբյանը տվել էր նաեւ մեկ տարի առաջ՝ 2022-ի մայիսին: Այն ժամանակ էլ նախարարը խոստացել էր մինչև 2022թ.-ի աշուն Հայաստանում գործարկել բենզալցակայանների ցանցը:

Այսպիսով, փաստենք, որ էկոնոմիկայի նախարարի խոստումը երկու անգամ հետաձգվում է, իսկ պատճառների մասին հարցնելիս նախարարությունից հորդորում են դիմել մասնավոր ընկերությանը:

ԼՈՒՐԵՐ

ՀԱՆԳԻՊՄԱՆ ԵԶՐԱՓՄԱԿԻՉ ՓՈՒԼ

Երեկ Վաճինգտոնում կայանալու էր Հայաստանի և Ադրբեջանի արտոնադրության և Արդյունաբերության Միջոցառման և Ջեյհուն Բայրամովի միջև բանակցությունների եզրափակիչ փուլը՝ ԱՄՆ պետքարտուդար Էյթոնի Բլիմենի մասնակցությամբ:

Թե ինչ են շուրջ երեք օր բանակցում կողմերը, հայտնի չէ, միայն մայիսի 3-ին ԱԺ ամբիոնից Նիկոլ Փաշինյանը հայտարարեց, որ Վաճինգտոնում բանակցությունների սեղանին կա փաստաթուղթ, եւ վստահեցրեց, որ անակնկալներ այնտեղ չկան:

Արցախում տեղյակ են արդյոք, թե ինչի շուրջ են բանակցում Վաճինգտոնում, կամ ի՞նչ սպասելիքներ ունեն վաճինգտոնյան բանակցություններից. այս հարցերի շուրջ ArmLur.am-ը գրուցել է Արցախի նախագահի խորհրդակցական Դավիթ Բաբայանի հետ, որն էլ մեզ հետ զրույցում նշեց՝ Արցախում բանակցային բո-

լոր կողմերից ակնկալում են հստակ դիրքորոշում ինչպես են տեսնում Արցախի ապագան.

«Ակնկալում ենք հստակ պատասխան երեւանից, Մոսկվայից, Վաճինգտոնից եւ Փարիզից. թող ասեն՝ ինչպես են պատկերացնում ինդրի լուծումը: Պատասխան ենք ակնկալում նաեւ հայ հանրությունից, տեսնենք՝ ինչ են մտածում Արցախի մասին: Ինքնության հարցն է մեր բարձրացվել, պետք է տեսնենք՝ Արցախը ծնողներ, երբայրներ, քույրեր ունի, թե որք է», - ասում է Բաբայանը:

ԵՐԻՍՏԻՆԵ ՄՈՒՇԵՂՅԱՆ

ԿԱՌԱՎԱՐՈՒԹՅԱՆ ՈՐՈՇՈՒՄ

«Կոնդի առանձնատների տնտեսություն» ՊՈԱԿ-ը կվերանվանվի: Որոշումը կայացվել է կառավարության երեկվա նիստի ժամանակ: Նախագծով առաջարկվում է «Կոնդի առանձնատների

տնտեսություն» պետական ոչ առետրային կազմակերպությունը վերանվանել «Կառավարական առանձնատների տնտեսություն» պետական ոչ առետրային կազմակերպություն: Որոշման հիմնավորման մեջ նշվում է, որ ՊՈԱԿ-ի գործունեության առարկան եւ հիմնական նպատակը ՀՀ բարձրաստիճան պաշտոնատար անձանց ծառայողական առանձնատների սպասարկումն ու շահագործումն է, ինչպես նաեւ ծառայողական առանձնատներում բնակվող պաշտոնատար անձանց կեցության եւ սննդի սպասարկումն ու ապահովումը: ՊՈԱԿ-ի ներկայացուցիչները երրորդ անձանց հետ հարաբերվելիս գործնականում հաճախակի բախվում են իրավիճակի, երբ կազմակերպության անվանման հնչեցումը որեւէ կերպ չի արտացոլում կազմակերպության նպատակները, հնարավորություն չի տալիս նույնացնել կազմակերպությանը, տարրնկալումների տեղիք է տալիս:

ՆԱԻՐԱ ՀՈՎՀԱՆՆԻՍՅԱՆ

ԻՐԱՎԻՃԱԿ

ԱՆՊՐԱՎՈՐՁԵԼ Է

ԱԼԻԵՎԻ ՀԱՅՏԱՐԱՐՈՒԹՅՈՒՆՆԵՐԻ ՄԱՍԻՆ

ՈՎԲԵՐ ԵՆ ՄԵԿՆԵԼ

Երեկ վարչապետ Նիկոլ Փաշինյանը հայկական պատվիրակությանը մեկնել է Չեխիա: ArmLur.am-ը տեղեկացավ, որ պատվիրակության կազմում ընդգրկված են 27 անձ, այդ թվում Ջանգվածային լրատվության միջոցների ներկայացուցիչներ: Պատվիրակության կազմում է ընդգրկված նաև Փաշինյանի կինը՝ Աննա Յակոբյանը: Չեխիա մեկնող մյուս պաշտոնյաներն են Ազգային ժողովի պատգամավորներ Արփիկե Յովհաննիսյանը, Արփի Դավոյանը, արտաքին գործերի նախարարի տեղակալ Պարույր Յովհաննիսյանը, Էկոնոմիկայի նախարարի տեղակալը, նաև աշխատակազմի այլ ներկայացուցիչներ են:

ՓՈԽՀԱՏՈՒՑՈՒՄ ԿՄՏԱՆԱՆ

Պետությունը կփոխհատուցի 2020 թվականի 44-օրյա պատերազմի ընթացքում մարտական գործողությունների մասնակից ուսանողների, ինչպես նաև պատերազմի ընթացքում մարտական գործողությունների մասնակից անձանց երեխաների ու ամուսինների ուսման վարձերը: Փոխհատուցման հերթական փուլի որոշումն ընդունվել է 33 կառավարության երեկվա՝ մայիսի 4-ի նիստում:

Ներկայացված նախագծի համաձայն՝ 2022 թվականի դեկտեմբերի 22-ից մինչև 2023 թվականի մարտի 30-ն ընկած ժամկալի ընթացքում ԿԳՄՍ նախարարությունում բուհերի կողմից ներկայացվել են 59 ուսանողի տվյալներ, որոնց ուսման վարձի փոխհատուցման գումարի չափը կազմում է 16 344 800 դրամ:

Նշենք, որ փոխհատուցումը գործում է 2021թ.-ից, եւ ամեն տարի որոշման ժամկետը երկարացվում է:

2022 թվականին փոխհատուցում է ստացել 1613 ուսանող, ուսման վարձի փոխհատուցման գումարը կազմել է 382 մլն դրամ:

ԲԱԺՆԵՏՈՄՍԵՐԸ ԿՄԱՆԱՎՈՐԵՑՎԵՆ

«Ավտոմատիկա» ՓԲԸ-ի՝ պետական սեփականություն հանդիսացող բաժնետոմսերը կմասնավորեցվեն: Այս մասին որոշում է կայացվել կառավարության երեկվա նիստի ժամանակ: Նշենք, որ «Ավտոմատիկա» ՓԲԸ-ն նախկինում ՊՆ պատվերներով իրականացրել է տեխնիկայի նորոգման եւ արդիականացման աշխատանքներ: Ներկայացված հիմնավորման մեջ նշվում է, որ կատարվել են ուսումնասիրություններ, եւ ՊՆ-ն եկել է եզրահանգման, որ «Ավտոմատիկան» չի համապատասխանում պահանջներին: Ընկերության շենք-շինությունների մակերեսը կազմում է 12 997.6 քմ, զբաղեցված հողատարածքը կազմում է 1.977 հա, որը հանդիսանում է ընդհանուր բաժնային սեփականություն: Նախագծով, 33 օրենսդրությամբ սահմանված կարգով, որոշվել է 445 մլրդ դրամ արժեքով վաճառել ընկերության ոչ պետական բաժնեմասի սեփականատիրոջը՝ «ՌԱՖԷԼԳՐԻԳ» փակ բաժնետիրական ընկերությանը: Նախագծով նախատեսված՝ «Ավտոմատիկա» ՓԲԸ-ի պետական բաժնետոմսերի վաճառքի գին 70 տոկոսը պետք է ուղղվի 33 պետական բյուջե, իսկ 30 տոկոսը պետք է ուղղվի համապատասխան համայնքի ֆոնդային բյուջե՝ ըստ գույքի գտնվելու վայրի:

Արցախի նախագահ Արայիկ Հարությունյանը երեկ հայտարարել է, որ Լեռնային Ղարաբաղը հակամարտային կամ վիճելի սահմանի միջազգային կարգավիճակ ունի, բայց Ադրբեջանի մաս չէ: Հարությունյանը հարցազույց է արել «Արմենորես» դեռակալ լրատվական գործակալությանը: «Արցախի Հանրապետությունը (ԼՂՀ-ն) դե-ֆակտո կայացել է 1992-94 թվականներին Ղարաբաղյան առաջին դաժնակալման ձեռք բերած հաղթանակի արդյունքում: Միջազգայնորեն ճանաչվել է ԼՂՀ-ի ու Ադրբեջանի զինված ուժերի բնական զիջում: Միջազգային բանակցություններում ցայսօր չկա ոչ մի դրամական վարկածություն ինչպես ԼՂՀ կարգավիճակի, այնպես էլ ԼՂՀ-ի ու Ադրբեջանի սահմանագիծային գծի փոփոխության օգտին: Կարգավիճակի փոփոխումը 2020թ. նոյեմբերի 9-ի եռակողմ հայտարարությունում, ինչը նշանակում է, որ Լեռնային Ղարաբաղը շարունակում է ունենալ հակամարտային կամ վիճելի սահմանի միջազգային կարգավիճակ, բայց ոչ երբեք Ադրբեջանի մաս», - ասել է Հարությունյանը:

Բաքուն քանիցս Երեւանից է պահանջել ճանաչել Լեռնային Ղարաբաղը որպես Ադրբեջանի մաս: Ադրբեջանի նախագահ Իլհամ Ալիևն իր հերթին պնդել է, որ այժմ ժամանակն է, որ Հայաստանի ղեկավարն ինքն իր հայտարարությունը խմբագրի եւ հայտարարի «Ղարաբաղն Ադրբեջան է»: Հարությունյանն ասել է, որ միջազգային հանրությունն ի սկզբանե արձանագրել է Լեռնային Ղարաբաղի կարգավիճակի շուրջ տարածայնությունների անկայության փաստը:

«Այդ պետությունների ինքնիշխանությունը ԵԱՀԿ-ի կողմից ճանաչվել էր այն պայմանով, որ նրանք իրենց հերթին ճանաչում են Լեռնային Ղարաբաղի պատկանելության շուրջ տարածայնությունների անկայության փաստը եւ համաձայնում են, որ Լեռնային Ղարաբաղի ապագա կարգավիճակը որոշվելու է ԵԱՀԿ հովանու ներքո անցկացվելիք խաղաղության համաժողովի ժամանակ: Երկու պետություններն էլ տվել են նման համաձայնություն»՝ դրանով իսկ ընդունելով Լեռնային Ղարաբաղի վիճելի տարածքի միջազգային կարգավիճակը եւ ստանձնելով հիմնախնդիրը խաղաղ ճանապարհով լուծելու պարտավորությունը»,- նշել է Արցախի նախագահը: «Ռա փաստում է, որ Հայաստանի ու Արցախի իշխանությունները տարածայնություններ ունեն»: Կառավարության նախորդ տարվա ծրագրի կատարման զեկույցը խորհրդարանում ներկայացնելիս վարչապետ Նիկոլ Փաշինյանը հայտարարել էր, որ Հայաստանը ճանաչում է Ադրբեջանի տարածքային ամբողջականությունը, նույն էլ ակնկալում է Ադրբեջանից: Իսկ թե ինչպես է պատկերացնում Արցախի ճանապարհորդը, ողջ նիստի ընթացքում Հայաստանի ղեկավարն այդպես էլ չէր հստակացրել: Փոխարենը շեշտել էր, թե Հայաստանի նախորդ իշխանություններն արդեն ճանաչել են Արցախը Ադր-



հով լուծելու պարտավորությունը»,- նշել է Արցախի նախագահը: «Ռա փաստում է, որ Հայաստանի ու Արցախի իշխանությունները տարածայնություններ ունեն»: Կառավարության նախորդ տարվա ծրագրի կատարման զեկույցը խորհրդարանում ներկայացնելիս վարչապետ Նիկոլ Փաշինյանը հայտարարել էր, որ Հայաստանը ճանաչում է Ադրբեջանի տարածքային ամբողջականությունը, նույն էլ ակնկալում է Ադրբեջանից: Իսկ թե ինչպես է պատկերացնում Արցախի ճանապարհորդը, ողջ նիստի ընթացքում Հայաստանի ղեկավարն այդպես էլ չէր հստակացրել: Փոխարենը շեշտել էր, թե Հայաստանի նախորդ իշխանություններն արդեն ճանաչել են Արցախը Ադր-

բեջանի կազմում Մադրիդյան փաստաթղթով: Հարությունյանն ընդգծում է՝ Նոյեմբերի 9-ի եռակողմ հայտարարության մեջ ոչ մի խոսք չկա Արցախի ապառազմականացման եւ այնտեղից սեփական զինված ուժերի դուրսբերման մասին: «Մինչդեռ, բացի եռակողմ հայտարարությունների չկատարումից, հենց Ադրբեջանն է շարունակել ագրեսիվ գործողությունները՝ սկսելով գրավել եւ հանձնված տարածքների անզուսպ ռազմականացումը, պայմաններ ստեղծելով Արցախի ու Հայաստանի դեմ հետագա նախահարձակ գործողությունների համար», - նշել է Հարությունյանը: ՆԱԻՐԱ ՀՈՎԿԱՆՆԻՍՅԱՆ

ԼՈՒՐԵՐ

ԱՅՏ՝ ԶՈՐԱՄԱՍԵՐ

Մայիսի 4-ին 33 պաշտպանության նախարար Սուրեն Պապիկյանը վաղ առավոտյան անակնկալ ստուգայցով եղել է ՊՆ N գորամասերում:

Պաշտպանական գերատեսչության ղեկավարը հրամանատարական կազմերի ուղեկցությամբ շրջել է գորամասերի տարածքով, հետեւել օրվա կարգացուցակով սահմանված միջոցառումների իրականացման ընթացքին, զորանոցային պայմաններին եւ տվել համապատասխան հանձնարարականներ:

Ստուգայցի շրջանակում նախարարը հանդիպել է նաև մարտական հերթապահության պատրաստվող ժամկետային զինծառայողների հետ:

Պաշտպանության նախարարը շրջել է գորամասերի տարածքում նոր կառուցվող շենք-շինություններում, հետեւել շինարարական աշխատանքների ընթացքին:

Նախարար Պապիկյանն այցելել է նաև առաջնագիծ, հետեւել ինժեներական, դիրքերի կահավորման աշխատանքների ընթացքին:

ԵՐԿԵՈՎ ՄԻՋԽՈՐՀՐԳԱՐԱՆԱԿԱՆ ՀԱՄԱԳՈՐԾԱԿՑՈՒԹՅՈՒՆ

Սեւծովյան տնտեսական համագործակցության խորհրդարանական վեհաժողովի շրջանակում 33 ԱԺ նախագահ Ալեյն Սիմոնյանը մայիսի 4-ին Անկարայում հանդիպել է Սերբիայի խորհրդարանի նախագահ Վլադիմիր Օրլիչին. տեղեկացնում են 33 ԱԺ-ից:

33 ԱԺ նախագահն ընդգծել է երկկողմ միջխորհրդարանական համագործակցության անհրաժեշտությունը՝ նշելով օրենսդիր մարմինների միջեւ ակտիվ

երկխոսությունը եւ բարեկամական խմբերի դերը:

Ալեյն Սիմոնյանը ներկայացրել է հետպատերազմյան իրավիճակի ժամանակագրությունը՝ շեշտելով, որ տարածաշրջանում խիստ անկայուն իրավիճակի համատեքստում կարելու է ԵՄ քաղաքացիական դիտորդական առաքելության դերը: Ալեյն Սիմոնյանը վերահաստատել է Հայաստանի մոտեցումները Կոսովոյի կարգավիճակի վերաբերյալ:

Սերբ գործընկերը նշել է, որ խաղաղությունն իրենց երկրի համար կարելու արժեք է, եւ ամենօրյա բանաձեւ են դարձել խաղաղության պահպանման համար ծախսվող էներգիան եւ ներդրվող ջանքերը: Նա նշել է, որ խաղաղասիրությունն այն գլխավոր նախադրյալն է, որը բնորոշում է Հայաստանին եւ Սերբիային, ինչի հիմքով էլ պետք է շարունակել համագործակցությունը: Հանդիպման ավարտին 33 ԱԺ նախագահը գործընկերոջը պաշտոնական այցով հրավիրել է Հայաստան:

ՀԱՍԱՐԱԿՈՒԹՅՈՒՆ

ՄԱՐԶ

ԱՃԱԿԵՐՏՆԵՐԻ ԹԻՎԸ ԵՎ ԱԶԵԼ Է

Հայաստանի անկախանալուց հետո Տավուշի մարզի սահմանամերձ գյուղերից, փոքր բնակավայրերից մեծ արտագաղթ է եղել: Սահմանամերձ մարզի բնակավայրերում ապրողները հայրենի շենքերը լքել, հեռացել են պատերազմական իրավիճակի, զբաղվածություն չունենալու, Հայաստանում տիրող անօրինականության, օտար երկրում ավելի լավ կյանք որոնելու պատճառներով: Բերդ համայնքի սահմանամերձ Մովսես գյուղից տասնյակ ընտանիքներ բնակություն են հաստատել Մոսկվայում, ուր զբաղվում են գործարարությամբ: Նոյեմբերյան համայնքի սահմանամերձ Ոսկեպար գյուղից տասնյակ ընտանիքներ արտագաղթել են Ռուսաստանի Բելգորոդի մարզի Ստարի Օսկոլ քաղաք, որը ոսկեպարցիները կատակով Նոր Ոսկեպար են կոչում. ոսկեպարցիները մի քանի անգամ քաղաքի մուտքին նման գրառումով ցուցանակ են տեղադրել, որը ռուսական քաղաքի բնակիչները շարունակել են: Նոյեմբերյան համայնքի սահմանամերձ, հեռավոր Բարեկամավան գյուղում այժմ ապրողների թվով առավել բարեկամավանցիներ ներկայումս բնակվում են Ռուսաստանի Ստավրոպոլ քաղաքում և Ստավրոպոլի երկրամասում: Տավուշի մարզից նաև ներքին արտագաղթ է կատարվել. սահմանամերձ ելուղի գյուղերի բնակիչները վերաբնակվել են Երեւանում, Հայաստանի այլ քաղաքներում: Տավուշի մարզի սահմանամերձ ելուղի գյուղերում արտագաղթի տխուր հետեանքներն ակնառու են երեկոները, երբ թաղամասերի տներում քիչ լույսեր են վառվում, առանձնատներում ապրողներն էլ հիմնականում տարեց ամուսիններ են: Արտագաղթի հետեանքով անցած 30 տարում նվազել է սահմանամերձ մարզի հանրակրթական դպրոցների աշակերտների թիվը: 20 տարի առաջ՝ 2002-2003 ուսումնական տարում, Տավուշի մարզի հանրակրթական դպրոցներում սովորել է ընդհանուր թվով 21 հազար 896 աշակերտ, որոնց դասավանդել է 2 հազար 532 ուսուցիչ: Տավուշի մարզային Հայկ Ղալումյանին տեղեկատվական հարցում են ուղարկել՝ նրան հարցնելով 2022-2023, 2021-2022 և 2020-2021 ուսումնական տարիներին Տավուշի մարզի հանրակրթական դպրոցների աշակերտների թվաքանակի վերաբերյալ: Մարզպետարանից ստացված պատասխանում նշված է, որ այս ուսումնական տարում Տավուշի մարզի հանրակրթական դպրոցում սովորում է 15 հազար 805 աշակերտ. 2021-2022 ուսումնական տարում աշակերտների թիվը եղել է 16 հազար 94, իսկ 2020-2021 ուստարում 16 հազար 106: Ներկայումս Տավուշի մարզի 76 հանրակրթական դպրոցներում աշխատում է 1830 ուսուցիչ և 218 ուսուցչի օգնական: 20 տարվա ընթացքում 2003 թվականից մինչև 2023 թվականը, սահմանամերձ Տավուշի մարզի աշակերտների թիվը նվազել է 6 հազար 91-ով, ուսուցիչներիը՝ 494-ով:

ՈՍԿԵՊԱՐ ՍՏՐՈՎՅԱՆ
Տավուշ

ՔՐԵԱԿԱՆ ՈՍՏԻԿԱՆՈՒԹՅՈՒՆ

ՄԱՍՆԱԳԻՏԱԿԱՆ ՊԱՏՐԱՍՏՎԱԾՈՒԹՅԱՆ ԲԱՐԵԼԱՎՈՒՄ

Հայաստանում կձեռավորվեն Բրեական ոստիկանության սարածային ստորաբաժանումներ, նրանց կվերադասվի միայն ծանր ու առանձնադեպ ծանր հանցագործությունների գնությունը:

«Ոստիկանությունում ծառայության մասին» օրենքում լրացումներ են փոփոխություններ կատարելու մասին» օրենքի նախագծին հավանություն տալու և անհետաձգելի համարելու մասին հարցն ընդունվեց կառավարության նիստում:

«Նախագծով առաջարկվում է անհրաժեշտ նախադրյալ ստեղծել Ոստիկանությունում 4 հենասյունային ուղղություններից մեկի՝ Քրեական ոստիկանության կադրերի մասնագիտական պատրաստվածության էական բարելավման և ծառայության գրավչության ապահովման համար: Այս առումով նախատեսվում է ստեղծել Քրեական ոստիկանության գլխավոր վարչության անմիջական ենթակայությամբ, ուղղաձիգ կառավարմամբ գործող տարածքային ստորաբաժանումներ, ինչպես այժմ գործում է Պարեկային ծառայությունը: Նրանց կվերադասվի միայն ծանր ու առանձնապես ծանր հանցագործությունների բացահայտման, օպերատիվ կանխարգելման և հետախուզվողների հայտնաբերման նպատակով օպերատիվ հետախուզական գործունեության իրականացումը»,- ներկայացրեց ՀՀ ներքին գործերի նախարար Վահե Ղազարյանը:

Քրեական ոստիկանության տարածքային ստորաբաժանումների ձեռավորումից հետո ներկայիս մարզային վարչությունները լուծարվելու են: Տարածքային ստորաբաժանումների ձեռավորման համար առաջարկվում է անցկացնել բաց մրցույթ:

Նախատեսվում է իրականացնել նաև պաշտոնային անվանափոխություն՝ օպերիվազորից անցում կատարելով քրեական ոստիկանի պաշտոնի: Կմշակվի և կիրականացվի քրեական ոստիկանի որակավորման մեկնագամյա նախնական կրթական ծրագիր, որին կարող են մասնակցել առնվազն բակալավրի որակավորում ունեցող քաղաքացիները և Ոստիկանության գործող ծառայողները: Դրանից հետո նախատեսվում է օրենսդրական փոփոխություններով սահմանել, որ Քրեական ոստիկանությունում պաշտոնի նշանակվելու պայմաններն են լինելու Պարեկային ծառայության կոնկրետ պաշտոնում ծառայության որոշակի ստաժ ու ապագայում ներդրվելիք քրեական ոստիկանի որակավորման միջին մասնագիտական կրթական ծրագրով կրթություն ստանալը: Այլ կերպ ասած՝ ոստիկանությունում ներդրվելու է բազային և շարունակական կրթության գաղափարը:



գիները և Ոստիկանության գործող ծառայողները: Դրանից հետո նախատեսվում է օրենսդրական փոփոխություններով սահմանել, որ Քրեական ոստիկանությունում պաշտոնի նշանակվելու պայմաններն են լինելու Պարեկային ծառայության կոնկրետ պաշտոնում ծառայության որոշակի ստաժ ու ապագայում ներդրվելիք քրեական ոստիկանի որակավորման միջին մասնագիտական կրթական ծրագրով կրթություն ստանալը: Այլ կերպ ասած՝ ոստիկանությունում ներդրվելու է բազային և շարունակական կրթության գաղափարը:

Քրեական ոստիկանի նախնական մասնագիտական կրթություն ստացած, ինչպես նաև համապատասխան վերապատրաստում անցած ծառայողները համարվելու են հավելվածարի ստացում նախատեսող ատեստավորում անցած:

Նախատեսվում է նաև սահմանել, որ Համայնքային ոստիկանության, Պարեկային ծառայության և Քրեական ոստիկանության գլխավոր վարչությունների պետերը ի պաշտոնե կհանդիսանան Ոստիկանության պետի տեղակալները, ըստ այդմ՝ առանձին տեղակալի օղակ չի լինի:

ԿԱՍԵՑՄԱՆ ՀԻՄՔԵՐ

ԲԺԻՇԿՆԵՐԸ ԿԼԻՑԵՆԶԱՎՈՐՎԵՆ

Հայաստանում ներդրվում է բուժաօգնությունների անհասկանալի լիցենզավորման համակարգ:

«Բնակչության բժշկական օգնության և սպասարկման մասին» օրենքում ելկից ներկայացված օրենքների նախագծերի փաթեթը հավանություն ստացավ կառավարության նիստում:

«Նախագծով առաջարկվում է ՀՀ-ում ներդրվել բուժաշխատողների անհատական լիցենզավորման համակարգը: 2001թ. լիցենզավորման համակարգն ինչ-ինչ պատճառներով ՀՀ-ում կասեցվել է: Եվ այս 5 տարիների ուսումնասիրությունները, շփումները և ընդհանուր համակարգային փոփոխությունների մեր տեսլականը չենք կարող պատկերացնել առանց մարդկային ներուժի զարգացման, որովհետեւ բուժաշխատողներն ու նրանց նկատմամբ պահանջներն են, որ

պետք է լրացնեն ընդհանուր առմամբ առողջապահական ծառայությունների որակը»,- ասաց ՀՀ առողջապահության նախարար Անահիտ Ավանեսյանը:

Նախագծով առաջարկվում է ներդրվել 2 տիպի լիցենզավորման ինստիտուտ: Անցումային լիցենզավորումը վերաբերելու է օրդինատուրայում սովորող ուսանողներին: Նախարարը սա կարելու քայլ համարեց՝ ուսանողներին ուսումնառության ընթացքում գործնական ու աշխատանքային փորձառություն ունենալու հնարավորություն տալու առումով: «Եվ այս անցումային լիցենզայի շրջանակներում, իհարկե, բժշկի հսկողության տակ մեր օրդինատուրներն ու ռեզիդենտները հնարավորություն կունենան մասնագիտական գործունեությամբ զբաղվել և իրենց հմտությունները նաև լավացնել»,- ասաց Ավանեսյանը:

Հաջորդը կրթությունն ամբողջությամբ ստացած մասնագետների մասնագիտական լիցենզիան է: Լիցենզիաները տրվելու են 5 տարի ժամկետով: 2024թ. հունվարի 1-ից կսկսվի անհատական լիցենզիաների տրամադրումը միայն դեռ օրդինատուրների համար, այսինքն՝ սահմանափակված ձեռով, այնուհետև՝ 2026թ. հունվարի 1-ից համակարգն ամբողջությամբ կսկսի գործել:

Անհատական լիցենզավորումն իրականացվելու է քննական ձեռով, այսինքն՝ տրամադրվելու է որոշակի հմտությունների ստուգման պարագայում: Եվ 5 տարի հետո այն թարմացվելու, շարունակվելու է, եթե դրա կատարման հիմքեր չկան: Լիցենզավորման կատարման հիմք կարող է հանդիսանալ, օրինակ, բժշկական սխալը, էթիկայի նորմերի խախտումները, հավաստագրման պահանջների չիրականացումը:

● Անցած 1 օրվա ընթացքում Հայաստանի Հանրապետությունում արձանագրվել է 12 ՃՏՊ. 14 մարդ ստացել է տարբեր աստիճանի մարմնական վնասվածքներ:

ԿԱՐԾԻՔ

ԵՐԱԺՇՏՈՒԹՅՈՒՆ

ԵՐԵՎԱՆՈՒՄ ԵՆՎՈՒՄ Է ՌԱԽՄԱՆԻՆՈՎԻ 150-ԱՄՅԱԿԸ

Ականավոր կոմպոզիտոր, դաժնակահար եւ դիրիժոր Մերգեյ Ռախմանինովի երաժշտությամբ սերունդներ են կրթվում: Բազմաթիվ երաժիշներ փորձում են գերազանցել նրա կասարողական վարդեսությունը, սակայն ֆլեյթին է դա հաջողվում: Իսկ այն, որ Ռախմանինովի երաժշտությունը հավերժ է, փաստում են դասականների նվագացանկերը, որոնցում նրա գործերն ուրույն տեղ են զբաղեցնում: Մեծն կոմպոզիտորի ծննդյան 150-ամյակի առթիվ մայիսի 3-ին ՀՀ զինությունների ազգային ակադեմիայում «Ռախմանինով, ռուս կոմպոզիտոր, աշխարհի ֆուդաֆաջի» խորագրով ֆեմինարում անցկացվեց մշակույթի ոլորտի սարքեր գործիչների մասնակցությամբ: Ակադեմիայի հայագիտության եւ հասարակական գիտությունների բաժանմունքի ակադեմիկոս-ֆաբրիկաթ Զուրի Մովսիսյանի խոսքով Ռախմանինովն իր հանճարեղ սիմֆոնիկ, օպերային եւ այլ ստեղծագործություններով հարստացրել է ոչ միայն ռուս, այլեւ համաշխարհային երաժշտությանը: «Ռախմանինովն իր ստեղծագործական գործունեությամբ անդրադարձել է հայ գրականությանը, մասնավորապես՝ Ավետիսի Բասմալյանի ղոնգիային: Մեծանուն կոմպոզիտորի գործերը հայ կասարողների նվագացանկի անբաժանելի մասն են եղել»,- ընդգծեց Մովսիսյանն ու հավելեց՝ հայ եւ ռուս ժողովուրդների բարեկամությունը դարավոր դաստիարակումն է, որում յուրահասուկ տեղ են զբաղեցնում զինական ու մշակութային փոխհարաբերությունները:



իրենց կատարողական գործունեությամբ նպաստել են ռուսական երաժշտության զարգացմանը: Ռուսաստանի երաժշտության ազգային թանգարանում է պահվում Ռախմանինովի ժառանգության մի մեծ մաս՝ 3700 նմուշ, սակայն ամեն անգամ նորություններ են գտնում: Միխայիլ Բրիգալովը վստահեցրեց, որ Ռախմանինովը դեռ շատ երկար տարիներ, դարեր կապրի, քանի որ նրա երաժշտությանը սիրահարվում են անմահացող, այն երբեք ոչ ոքի անտարբեր չի թողնում:

Ռախմանինովի հորեղանի առթիվ մայիսի 2-ին Արամ Խաչատրյանի տուն-թանգարանում բացվել է նրան նվիրված «Սերգեյ Ռախմանինով. եւ ռուս կոմպոզիտոր են» ցուցահանդեսը, որում ընդգրկված են Ռախմանինովի արխիվից հազվագյուտ փաստաթղթեր եւ լուսանկարներ, նրա ընտանիքի ծագումնաբանական ծառը եւ ստեղծագործությունների ձեռագրերը: Ներկայացված է նաեւ մուլտիմեդիա բովանդակություն. QR կոդերի միջոցով այցելուները կկարողանան լսել Մերգեյ Ռախմանինովի ամենահայտնի ստեղծագործությունների արխիվային ձայնագրությունները՝ հեղինակի եւ նշանավոր երա-

ժիշտների կատարմամբ: Դաշնակահար, տուն-թանգարանի տնօրեն Արմինե Գրիգորյանը նշեց՝ դեռ տասը տարի առաջ թանգարանը Ռուսաստանի երաժշտության ազգային թանգարանի հետ համագործակցության պայմանագիր է կնքել, որի շրջանակում իրականացված առաջին նախագիծը Ռախմանինովին եւ Շալյապինին է նվիրված եղել եւ յուրահատուկ ցուցանմուշներով ցուցադրություն է բերվել Երեւան: «Այս տարի կրկին դիմեցի Միխայիլ Բրիգալովին ու Ռախմանինովի 150-ամյակի առթիվ խնդրեցի մեզ ցուցադրության նյութեր տրամադրել, եւ նա անձամբ եկավ ցուցադրության բացմանը, որին հաջորդած համերգային ծրագրում հնչեցին կոմպոզիտորի ստեղծագործությունները»,- շեշտեց նա:

Գրիգորյանն իրեն կոմպոզիտորի մեծ երկրպագու է համարում եւ մշտապես կատարում է նրա դաշնամուրային ստեղծագործությունները: Միջոցառմանը ՀՀ ԳԱԱ Արվեստի ինստիտուտի եւ Ռուսաստանի երաժշտության ազգային թանգարանի միջեւ համագործակցության համաձայնագիր կնքվեց: Կողմերը վստահեցրին, որ ձեռք բերված համաձայնագրի արդյունքները երկար սպասել չեն տա:

ԼՈՒՐԵՐ

ԱՄԵՆԱԳԵՂԵՑԻԿ ՏԱՃԱՐՆԵՐԻՑ

Luxatic պորտալը Երեւանում գտնվող Սուրբ Գրիգոր Լուսավորիչ մայր տաճարը ներառել է աշխարհի 25 ամենազեղեցիկ տաճարների ցանկում:

«Սա մեր ցանկի նորագույն տաճարներից է՝ կառուցված Վազգեն Ա կաթողիկոսի նախաձեռնությամբ: Հայտնի է նաեւ որպես Երեւանի Մայր տաճար. այն Հայ Առաքելական Եկեղեցու ամենամեծ տաճարն է աշխարհում: Համալիրը բաղկացած է երեք եկեղեցիներից: Հայկական ավանդական ճարտարապետական ոճով կառուցված տաճարը երկրի ամենաշատ այցելվող եկեղեցին է»,- նշում է հրատարակությունը:

ԶԱՐԳԵՐԻ ՀԱՎԱՔԱԾՈՒ

Ֆրանսիական Saint Laurent նորածեղության տունը ներկայացրել է իր դեբյուտային զարդերի հավաքածուն: Նորածեղության տան առաջին հավաքածուի հիմնական շարժառիթներն էին Cassandre-ն, որը YSL-ի տարբերանշանն է, եւ Le Maillon-ը՝ խոշոր օղակների շղթաները: Դրանք առկա են թեւնցներում, վզնցներում, մանժետներում, մատանիներում եւ ականջօղեղներում:

Ոսկերչական իրերը պատրաստված են դեղին եւ սպիտակ 18 կարատանոց ոսկուց եւ ադամանդներով:

Ոսկերչական իրերի գները տատանվում են \$790-ից YSL ոսկյա գամասեղ ականջօղեղերի համար մինչեւ \$48,000 մեծ ոսկյա շղթայի ապարանջանների համար:

Նորածեղության տունն իր զարդերը համարում է ֆունկցիոնալ, դասական եւ կոլեկցիոներ:

Տան գովազդային արձավը նկարահանել է հայտնի լուսանկարիչ Յուրգեն Թեյլերը: Լուսանկարներում Սուրբ տրիկոտաժով մոդելները կառավարվում են ձեռքերով, որոնք զարդարված են բազմաթիվ մեծ ապարանջաններով, պարտեզի գործիքներով:

51 ԳՈՒ՝ ԸՆԹԱՑԻԿ ՄՐՑԱՇՐՋԱՆՈՒՄ

«Մանչեսթեր Սիթի» 22-ամյա նորվեգացի հարձակվող Էրլինգ Հոլանդը ընթացիկ մրցաշրջանում խփել է 51 գոլ: Նա այդ ցուցանիշին հասած երկրորդ ֆուտբոլիստն է Անգլիայի ուժեղագույն դիվիզիոնի ակումբների պատմության մեջ:

Ռեկորդակիրը Դիքսի Դինն է, որը 1927-1928 թվականների մրցաշրջանում «Էվերտոնի» կազմում խփել է 63 գոլ:

Անգլիայում առաջին մրցաշրջանն անցկացնող Հոլանդը 51 գոլը խփել է բոլոր մրցաշարերի 45 խաղում: Այս մրցաշրջանում Հոլանդը 35 գոլ է խփել Պրեմիեր լիգայում, 12 գոլ՝ Չեմպիոնների լիգայում, 3 գոլ՝ Անգլիայի գավաթի խաղարկությունում, 1 գոլ՝ Անգլիական լիգայի գավաթի խաղարկությունում:

ՏԵՎԱԿԱՆ ԴԱՂԱՐ

ՎԱՀԱՆ ԱՐԾՐՈՒՆԻՆ ՀԱՆԴԵՍ ԿԳԱ ՀԱՄԵՐԳՈՎ

Մշակութային գործիչ, կոմպոզիտոր, երգիչ Վահան Արծրունու ARTSRUNI Progressive Music Act նախագիծը Տեւական դադարից հետո հանդես կգա բացառիկ համերգով: 2003 թվականին եվրոպական Un Voyage en Progressif-ի կողմից 10 լավագույն եվրոպական դրոգերի խմբերի ցուցակում ընդգրկված թիմը համերգը կնվիրի այդ նշանակալից իրադարձության 20-ամյակին: Համերգը կկայանա մայիսի 17-ին ժամը 20:00-ին, Hard Rock Yerevan-ում: Խմբի կազմում հանդես են գալիս Վահան Արծրունին (վոկալ, ակուստիկ կիթառ), Նելլի Մանուկյանը (ֆլեյթա), Վահագն Ամիրխանյանը (սոլո կիթառ), Արթուր Մոլիսյանը (բաս կիթառ), Լեւոն Հախվերդյանը (հարվածայիններ):



առաջինն էր, որ պրոգրեսիվ երաժշտությունը ներկայացրեց Հայաստանի սահմաններից դուրս: Տեւական ժամանակ է, ինչ միասին համերգով հանդես չէինք ելել երաժիշտներից մեկի՝ Հայաստանից բացակայելու պատճառով: Որոշեցինք օգտագործել եվրոպական պրոգրեսիվ խմբերի լավագույն տասնյակի ցուցակում ընդգրկվելու իրադարձային առիթն ու հանդես գալ համերգով»,-նշել է Վահան Արծրունին՝ ընդգծելով, որ համերգն անտարբեր չի թողնի

ունկնդրին: Մայիսի 17-ի երեկոյի ծրագրում ընդգրկված են Վահան Արծրունու գործիքային ստեղծագործություններն ու երգերը: ARTSRUNI Progressive Music Act-ը հանդես է եկել թե՛ մենահամերգներով, թե՛ Հայաստանի պետական ֆիլհարմոնիկ նվագախմբի, Ալ. Սպենդիարյանի անվան օպերայի եւ բալետի ազգային ակադեմիական թատրոնի նվագախմբի եւ երգչախմբի, Հայաստանի պետական կամերային նվագախմբի եւ այլ կոլեկտիվների հետ:

● Մայիսի 6-ին «Հայ-Արտ» մշակութային կենտրոնում տեղի կունենա «Վան Գոգ եւ Բենքսի» ցուցադրությունը: Տոմսերի արժեքը՝ 3000-3500 դրամ: Սկիզբը՝ ամեն օր՝ ժամը 10:00-ից 21:00-ն:



Էջը՝ ՈՂՋԱ ՊՈՂՈՍՅԱՆԻ

ՀԱՐԿԵՐ

ՀԱՐՑ. Ուզում եմ ինքնուրույն կազմակերպված արժեքի հարկ վճարող կազմակերպությունը դադարեցնել և դաժանաբանական ստացված հարկային հաշիվները, եւ եթե այո, ապա ինչ ժամկետով:
Սյուզաննա Մանուչարյան (39 տարեկան)



ՊԱՏԱՄԻՆԱ. Ս. Մանուչարյանի հարցին ի պատասխան՝ տեղեկացնում ենք, որ համաձայն «Ավելացված արժեքի հարկի մասին» Հայաստանի Հանրապետության օրենքի 22-րդ հոդվածի՝ Ավելացված արժեքի հարկ վճարող կազմակերպությունը պարտավոր է առնվազն մինչեւ ստացման տարվան անմիջապես հաջորդող հինգ տարին լրանալը պահպանել ստացած հարկային հաշիվները (այդ թվում՝ սահմանված ձեռք հաստատված էլեկտրոնային հարկային հաշիվները) կամ ապրանքների ներմուծման մաքսային հայտարարագրերը:

Հարկային հաշիվների, դրանց դիմաց վճարումը հաստատող փաստաթղթերի, մաքսային հայտարարագրերի պահպանման ժամկետները չեն կարող պակաս լինել ԱԱՀ-ի գծով պարտավորությունների, հաշվանցումների կամ վերադարձների հաշվին հարկային հաշվում կամ մաքսային հայտարարագրում առանձնացված ԱԱՀ-ի գումարի՝ օրենքով սահմանված կարգով մարման ժամկետից ձեռք բերված ապրանքների եւ ստացված ծառայությունների մասով հաշվանցումների դեպքում:

ՀՀ պետական եկամուտների կոմիտե

«ԺՈՂՎՈՒՐԳ». Նշենք, որ ԱԱՀ վճարող անձանց կողմից արտադրական եւ այլ առետրային նպատակներով ձեռք բերված ապրանքների կորստի դեպքում մատակարարներին (օրենքով սահմանված դեպքում՝ մաքսային սահմանին) վճարված (հարկային հաշիվներում կամ մաքսային փաստաթղթերում առանձնացված) ԱԱՀ-ի գումարները եւթնամսյա չեն հաշվանցման կամ վերադարձման, եթե այդ կորուստները շահութահարկով հարկման նպատակով չեն դիտվում որպես համախառն եկամտից նվազեցում:

ՕՐԵՆՔ

ՀԱՐՑ. Խնդրում եմ ասել՝ ինչ կարգով է օրինակացվում ինքնակամ կառույցը:
Արմեն Հարությունյան (42 տարեկան)



ՊԱՏԱՄԻՆԱ. Ինքնակամ կառույցները կարող են ճանաչվել օրինական համայնքների ղեկավարների, համայնքի վարչական տարածքներից դուրս մարզպետների կողմից՝ կառավարության սահմանած կարգով: Ինքնակամ կառույցը կարող է ճանաչվել օրինական միայն այն անձի դիմումով, որին սեփականության իրավունքով պատկանող հողամասում գտնվում է այդ կառույցը: Պետական կամ համայնքային սեփականություն հանդիսացող հողամասում կառուցված կամ վերակառուցված ինքնակամ կառույցների նկատմամբ ճանաչվում է պետության կամ համայնքի սեփականությունը՝ անկախ նրանից, թե ով է այն կառուցել: (ՀՀ կառավարության 18.05.2006թ. N 912-Ն որոշում, ՀՀ կառավարության 18.05.2006թ. N 731-Ն որոշում):

ՀՀ կադաստրի կոմիտե

«ԺՈՂՎՈՒՐԳ». Ինքնակամ կառույց է համարվում օրենքով եւ այլ իրավական ակտերով սահմանված կարգով այդ նպատակի համար չհատկացված հողամասում կամ առանց թույլտվության կամ թույլտվությամբ սահմանված պայմանների կամ քաղաքաշինական նորմերի եւ կանոնների էական խախտումներով կառուցված կամ վերակառուցված շենքը, շինությունը կամ այլ կառույցը:

ԼՈՒՐ ԿԱԴՐ

Լուսանկարն արվել է Երեւանում



Երեկ Կառավարության շենքի մոտ զինված զինծառայողների ծնողները բողոքի ակցիա են կազմակերպել: ArmLur.am-ը գրուցել է նրանց հետ՝ պարզելու, թե ինչի համար են հավաքվել: Ակցիայից հետո ծնողները շարժվեցին Շառլ Ազնավուրի անվան հրապարակ՝ մասնակցելու ԱԺ մարդու իրավունքների պաշտպանության եւ հանրային հարցերի մշտական հանձնաժողովի նախագահ Թադևոսի Թովմասյանի կազմակերպած ստորագրահավաքին:

ԲԱԺԱՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայմամուլ» ՓԲԸ
հեռ. 45-82-00, 45-19-11

«Հայփոստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադառնանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____
Ազգանուն՝ _____
Առաքման հասցե՝ _____
Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	- 2 + 2 +14 + 18	Արարատ	+ 7 + 10 +24 + 26
Կոտայքի լեռներ	- 2 + 2 +13 + 16	Արմավիր	+ 6 + 8 +24 + 26
Կոտայքի նախալեռներ	+ 5 + 7 +18 + 20	Վայոց ձորի լեռներ	- 1 + 2 +14 + 16
Գեղարքունիք	0 + 4 +13 + 18	Վայոց ձորի նախալեռներ	+ 5 + 5 +19 + 23
Լոռի	+ 2 + 6 +12 + 18	Սյունիքի հովիտներ	+ 8 + 11 +23 + 28
Տավուշ	+ 3 + 8 +20 + 24	Սյունիքի նախալեռներ	+ 3 + 6 +17 + 20
Արագածոտնի լեռներ	- 1 + 3 +13 + 16	Արցախ	+ 7 + 11 +20 + 25
Արագածոտնի նախալեռներ	+ 5 + 8 +18 + 23	Երեւան	+ 7 + 9 +21 + 23

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ
Հասցեն՝ ք. Երեւան, Աբովյան 22^ա/3, հեռ.՝ 010 54-64-23
Պետական գրանցման վկայականի համարը՝ 03Ա089086
տրված է 24.11.2010
Ստորագրված է տպագրության 4.5.2023

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրայնաչափում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: